

ODLUKA O PROPISIVANJU MJERA NEPOSREDNE KONTROLE CIJENA*

(“Službene novine Federacije BiH”, broj 25/20)

I.

Ovom odlukom utvrđuje se postojanje uslova za propisivanje mjera neposredne kontrole cijena na području Federacije Bosne i Hercegovine.

II.

Kao mjeru neposredne kontrole cijena iz tačke I. ove odluke, Vlada Federacije Bosne i Hercegovine propisuje za pojedine proizvode utvrđivanje marži u trgovini (kalkulativne cijene).

III.

Mjere neposredne kontrole cijena iz tačke II. ove odluke odnose se na proizvode u nadležnosti Federacije Bosne i Hercegovine, kantona, grada i općine propisane odredbama Zakona o kontroli cijena, kao i na ostale životne namirnice, osnovne higijenske proizvode i druge proizvode koje prodaju svi učesnici u lancu snabdijevanja, odnosno privredna društva i druga pravna i fizička lica koja proizvode i obavljaju trgovinu na veliko i trgovinu na malo.

IV.

Pravna i fizička lica iz tačke III. ove odluke obavezna su utvrditi i primjenjivati marže tako da iste ne prelaze nivo marži tih proizvoda na dan 5.3.2020. godine.

Obaveza iz stava (1) ove tačke odnosi se na sljedeće proizvode:

- 1) sve vrste brašna, sve vrste hljeba, peciva i drugi pekarski proizvodi od brašna i žitarica,
- 2) aktivni kvasac,
- 3) mlijeko i mliječne prerađevine,
- 4) jaja i proizvodi od jaja,
- 5) šećer,
- 6) čaj,
- 7) začini,
- 8) so za ljudsku ishranu,
- 9) riža,
- 10) tjestenina,
- 11) biljne i životinjske masnoće,
- 12) sve vrste svježeg mesa, ribe i njihove prerađevine,
- 13) voće i povrće,
- 14) sirće,
- 15) mesne konzerve,
- 16) riblje konzerve,
- 17) voda za piće,
- 18) jestivo ulje,
- 19) formule za dojenčad i formule nakon dojenja,
- 20) prerađena hrana na bazi žitarica i dječija hrana za dojenčad i malu djecu,
- 21) dodaci ishrani,
- 22) dijetetski proizvodi (uključujući proizvode bez glutena),
- 23) hrana za posebne medicinske potrebe,
- 24) pelene za jednokratnu upotrebu za djecu i odrasle,
- 25) higijenski ulošci,
- 26) deterdžent za veš,

* Odluka je objavljena u “Službenim novinama Federacije BiH”, broj 25/20 od 17. aprila 2020. godine, a stupila je na snagu 9. aprila 2020. godine.
Stupanjem na snagu ove odluke prestaje važiti **Odluka o propisivanju mjera neposredne kontrole cijena**- Obavijest broj 10.

- 27) deterdžent za suđe,
- 28) sapun,
- 29) sredstva za dezinfekciju vode, prostora i ruku (uključujući koncentrirani alkohol),
- 30) toaletni papir,
- 31) pasta za zube,
- 32) zaštitni kombinezoni i druga zaštitna i medicinska odjeća i obuća,
- 33) zaštitne naočale i viziri, zaštitne rukavice i zaštitne navlake za cipele,
- 34) zaštitne maske-hirurške,
- 35) zaštitne maske za lice FFP2 i FFP3,
- 36) posteljno i ostalo rublje za zdravstveni sistem,
- 37) sve vrste sjemenskog i sadnog materijala,
- 38) sredstva za zaštitu zdravlja biljaka,
- 39) stočna hrana i komponente za stočnu hranu i
- 40) vještačko đubrivo.

V.

Za realizaciju i nadzor nad provođenjem ove odluke zadužuju se federalna, kantonalna, gradska i općinska tržišna inspekcija.

VI.

Danom stupanja na snagu ove odluke prestaje da važi Odluka o propisivanju mjera neposredne kontrole cijena ("Službene novine Federacije BiH", broj 21/20).

VII.

Ova odluka će biti objavljena putem printanih i elektronskih sredstava informisanja.

VIII.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 517/2020

09. aprila 2020. godine